

Sarajevo, 31-03-2021
Broj: 58-11-3-15716

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br.10-11-3-15246 od 29.03.2021. godine, Generalna direktorica donosi:

ODLUKU

o izboru najpovoljnijeg ponuđača za
„Izvođenje roletarskih radova za potrebe KCUS-a“

I

Prihvata se prijedlog Komisije za javnu nabavku, Izvještaj br. 10-11-3-15246 od 29.03.2021. godine za "Izvođenje roletarskih radova za potrebe KCUS-a", nakon provedenog konkurentskog zahtjeva i Okvirni sporazum dodjeljuje se najpovoljnijem ponuđaču **MIKADO d.o.o. Sarajevo** na osnovu dostavljenih jediničnih cijena sa sljedećim elementima:

Vrijednost Okvirnog sporazuma bez PDV-a: 7.995,80 KM

Iznos PDV-a 17 %: 1.359,28 KM

Vrijednost Okvirnog sporazuma sa PDV-om: 9.355,08 KM

- Rok izvođenja radova: 15 dana od dana izdavanja narudžbenice
- Uslovi plaćanja : 30 dana nakon ispostavljanja fakture
- Okvirni sporazum se zaključuje na period od 12 mjeseci.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđaču učesniku postupka javne nabavke i objavljena na web stranici KCUS-a putem web stranice Kantona Sarajevo.

O B R A Z L O Ž E N J E

Klinički centar Univerziteta u Sarajevu (u daljem tekstu KCUS) pokrenuo je postupak javne nabavke na osnovu Odluke o pokretanju postupka br. 58-04-4-13571-1 od 17.03.2021.godine sa procijenjenom vrijednosti nabavke u iznosu od 8.000,00 KM bez PDV-a. Sredstva za predmetnu nabavku planirana su privremenim Planom javnih nabavki za 2021.god. pod klasifikacijom "Radovi" br.1 (Odluka o usvajanju privremenog Plana javnih nabavki KCUS za 2021.godinu broj: 04-2-59660 od 22.12.2020.godine). Uslovi plaćanja predviđeni za postupak nabavke su odgođeno plaćanje 30 dana po ispostavljenom računu (na osnovu akta SRPA br.56-11-3-2265 od 14.01.2021.godine).

KCUS je 18.03.2021. godine objavio Obavještenje o nabavci broj: 893-7-3-178-3-141/21 na portalu e-Nabavke zajedno sa tenderskom dokumentacijom za izvođenje roletarskih radova za potrebe KCUS-a, putem konkurentskog zahtjeva. Za predmetni postupak je planirano provođenje e-aukcije.

U skladu sa članom 88. Zakona o javnim nabavkama poziv za učešće u postupku javne nabavke putem e -maila upućen je sljedećim ponuđačima: MEGAROL d.o.o.; MIKADO d.o.o. i Tapetar d.o.o.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 9 (devet) potencijalnih ponuđača: Ekapija d.o.o.; Cospex d.o.o.; Efekt Komerc dizajn d.o.o.; BBS Europe; Intercom d.o.o. Zenica; Mikro+Polo d.o.o.; Almy d.o.o.; Mikado d.o.o. i Centar za razvoj medija i analize.

Do vremena naznačenog u Pozivu za dostavljanje ponuda i Obavještenju o nabavci br.893-7-3-178-3-141/21 do 29.03.2021. godine do 09 h i 30 min na Protokol Kliničkog centra Univerziteta u Sarajevu dostavljena je jedna (1) ponuda za postupak nabavke:

1. MIKADO d.o.o.Sarajevo (broj protokola 10-11-3-15017 od 26.03.2021. u 11 h i 30 min).

Zapisnik o javnom otvaranju ponuda broj:10-33-4-15156 od 29.03.2021.godine u zakonski predviđenom roku dostavljen je putem fax-a ponuđaču učesniku postupka javne nabavke.

Komisija imenovana Odlukom broj: 01-04-4-14798 od 25.03.2021.godine je izvršila pregled i ocjenu ponude na zatvorenom sastanku, na osnovu kojeg je sačinila Izvještaj o provedenom postupku u kojem je konstatovala da je ponuda ponuđača MIKADO d.o.o. Sarajevo formalno-pravno i tehnički ispravna i može biti predmet vrednovanja.

Za dodjelu Okvirnog sporazuma za izvođenje roletarskih radova za potrebe KCUS-a predviđeno je provođenje e-aukcije, ali u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) nije bilo moguće zakazati postupak e-aukcije iz razloga što je dostavljena samo jedna ponuda u predmetnom postupku.

Budući da je cijena zadovoljavajuće ponude u okviru osiguranih sredstava za predmetnu nabavku, Komisija je dala prijedlog, Izvještaj br. 10-11-3-15246 od 29.03.2021. godine, da se za izvođenje roletarskih radova donese Odluka o izboru najpovoljnijeg ponuđača i Okvirni sporazum dodjeli ponuđaču MIKADO d.o.o Sarajevo prema jediničnim cijenama koje čine sastavni dio Okvirnog sporazuma u maksimalno iznosu do 7.995,80 KM bez PDV-a. Prijedlog Komisije je prihvaćen i donijeta je odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Handwritten signature/initials in blue ink.